

溫病贅言

串珠經百種錄

婦科雜症



大字精校
陳脩園醫書全集

民國六年春

溫熱養生書

東陽珮香題

溫熱贅言

江左寄瓢子述

溫熱病大意

蓋聞外感不外六淫而民病當分四氣治傷寒家徒守發表攻裏之成方不計辛熱苦寒之貽害。遂使溫熱之旨蒙昧不明。醫門缺典莫此甚焉。余不敏博覽羣書廣搜載籍而恍然於溫熱病之不可不急講也。內經云冬不藏精春必病溫。蓋謂冬時嚴寒陽氣內斂人能順天時而固密則腎氣內充命門為三焦之別使亦得固腠理而護皮毛雖當春令升泄之時而我身之真氣則內外瀰淪不隨升令之泄而告匱。縱有客邪安能內侵。是內經所以明致病之原也。然但云冬不藏精而不及他時者以冬為水旺之時屬北方寒水之化於時為冬於人為腎井水溫而堅冰至陰外陽晦有習坎之象故立言歸重於冬。非謂冬宜藏而他時可不藏精也。即春必病溫之語亦是就近指點。總見裏虛者表不固。一切時邪皆易感受學者可因此而悟及四時六氣之為病矣。昔王叔和云寒毒藏於肌膚至春變為溫病至夏變為暑熱致來後人翻駁何不云腎精不藏之人至春易病溫至夏易病暑熱便能深入理潭矣。內經又云冬傷於寒春必病溫。註家咸謂冬令閉藏寒邪伏於腎中病不即發至春陽氣大泄內伏之寒邪隨升令而外達。天來錢氏已大非其說矣。謂冬傷於寒者乃冬傷寒水之藏即冬不藏精之互詞。何得以寒邪誤解。夫寒邪凜烈中人即病非比暑濕之邪能伏處身中故內經曰風寒之中人也使人毫毛畢直皮膚閉而為

